



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

3 Quænam ad martyrium requirantur.

[urn:nbn:de:hbz:466:1-72459](#)

*Difficilis
est tolerare
quam in-
nudare.*

tele lib. 3. Ethic. cap. 6. colligitur) nimirum in periculis bellicis, iisque pulcherrimis versatur. In martyrio enim est bellum contra tyrannum pro defensione fidei & religionis, (iuxta illud Apostoli ad Hebr. 11. *Fortes facti sunt in bello*, ut diu Thomas interpretatur) quod non inuadit, sed tolerando conficiendum est: at multo difficilis tolerare quam inuadere; vt docet Aristoteles supra; idque ob tres causas. Primo, Quia qui tolerat, velut à fortiori inuaditur & opprimitur: qui inuadit, aggreditur tamquam fortior. difficilis autem est cum fortior pugnare quam cum debiliore. Secundo, Qui tolerat, iam sentit malum præsens: qui inuadit, & stimat tamquam futurum. Tertiò, Tolentitia diu durat: inuasio fit motu repentino: vnde Proverb. 16. *Melior est patiens viro fortii; & qui dominatur animo suo, expugnato- rium.* & D. Amb. lib. 1. Offic. cap. 41. fusè ostendit, fortitudinem plus in tolerando quam in vincendo constare. Idem eleganter prosequitur Chrysostomus hom. 8. in Matth.

DUBITATIO III.

Quænam ad martyrium requirantur.

¹⁹ *Martyriū
parvulorū* R Espondendum cum distinctione martyrij parvulorum & adulorum: nam ad martyrium parvulorum non requiritur aliud, quam ut in odium Christi, aut religionis Christianæ occiduntur, est communis sententia Doctorum & sensus Ecclesiæ, quæ Innocentes pueros pro martyribus colit, eò quod occisi sint propter Christum, de quo lupa num. 12. Si enim hi censendi sunt martyres ob hanc causam, cùm tamen nullam aliam relationem ad Christum haberent, quam quod Christus putaretur inter eos esse, & posse eorum indiscreta cæde incolui; non minori iure etiam censendi, qui maiorem coniunctionem cum illo habent; vt sunt illi, qui occiduntur quia Christiani, quia baptizati, quia filii Christianorum, &c. hi enim occiduntur quia inest illis certa cum Christo coniunctio, vel ad illum respectus; & ita ipsa mortis perpessione dant testimonium Christo & religioni eius.

²⁰ *Martyriū
adulorum
quinq[ue]
requiri.* Ad martyrium adulorum, vt sit quale oportet ad salutem, requiriuntur quinque. Primo, Mortis irragatio. Secundo, Acceptatio eiusdem ex pia causa. Tertiò, Ut non resistat tyranno. Quartò, Ut fide reneat veritatem pro qua patitur. Quintò, Status gratiae.

<sup>1. Irroga-
tio mortis
odio Chris-
tii.</sup> Primo, Requiritur vt mors inferatur odio Christi, vel religionis Christianæ, vel aliquius veritatis fidei, vel propter opus virtutis. martyrium enim est testimonium externum, quod Christo vel doctrinæ eius præbetur per hoc quod mortem pro ea subimus. hoc autem fieri non potest, nisi aliquis mortem inferat, vt Christum veleius doctrinam nobis auferat. Hinc heretici, etiam patientes pro doctrina Christi occidi, non sunt martyres; quia mors illa non infertur illis odio doctrinæ Christi, sed hereticos, quæ Christi doctrinæ repugnat. Vnde recte D. Augustinus concione 2. in Psal. 34. ai: *Martyrem non pœna, sed causa facit: pœna enim communis est latroni & martyri, heretico & Catholico, sed causa dispar.* Nec refert, quod ipsi patientes iustam causam habere; tum quia est error culpabilis; tum quia suppli-

cium non irrogatur odio veritatis, & ita morientes non dant testimonium veritati.

Sed dubium est, Vtrum necessè sit re ipsa mortem sequi. Martinus contendit id non esse necesse; ²¹ An requi- ratur mortis. in proppositum sustinenda mortis sufficiere; quia martyrium est actus virtutis; hic autem à nostra libertate pendet: re ipsa autem mortem subire, non est in nostra potestate, sed pendet ab arbitrio tyranni.

Vtrum hoc bene refutat Caetanus art. 4. inde enim sequeretur, omnes illos, qui tale habent proppositum, esse martyres: quod est contra communem sensum Ecclesiæ. Neque mirum est, fieri martyrem, non esse in sola nostra potestate; quia est opus externum, supponens tyrannum in nos existentem. Simili modo sapè fit ut non sit in potestate hominis baptizari, confiteri, ordinari, dare eleemosynam, &c.

Dicendum igitur est, quatuor gradus martyrij ²² Quatuor
gradus
martyrij.

Primus & supremus est, martyrium omnino completum: hoc requirit ut mors re ipsa sequatur; per hanc enim fit extrema & summa testificatio veritatis, quamdiu enim vita superest, semper restat aliquid, per quod ultra vi testari possimus.

Secundus est, Cùm martyrium completum est ex parte causa proxima & intinsecus penetrantis; vt quando inflicta sunt vulnera letalia, quæ nulli naturali prohiberi possunt à morte inferenda: hoc enim censendum verum martyrium, etiam si cōtingat mortem diuinitus impediti: quia est proxima & necessaria ad mortem dispositio.

Tertius est, Cùm est completum ex parte tantum causa extrinsecus applicata, etiam si martyris nihil inde incommodi sentiat; tale fuit S. Ioannis, cùm in dolio feruentis olei positus fuit: hoc enim est subire mortem in causa per se efficaci, & naturaliter impediri nescia, vnde non est minus efficax testimonium veritatis apud homines, quam si reuerā mors secuta fuisset: quinid quod mors diuinitus impediatur, auger vim testimonij; nam per hoc omnibus fit manifestum, Deum illius causam approbare.

²³ Quartus est, Quando martyrium seu perpetuum mortis solum est inchoata per tormenta; vt quandoquis propter confessionem fidei coram tyranno, tormentis non letalibus afflictus est. nam & tales passim a Cypriano, Tertulliano, & aliis martyres vocantur, & distinguuntur à confessoribus; Confesso- qui est Christum confessi essent, nondum fuerant res.

tortimenti subiecti, quamvis in carcere conclusi, vel in exilium eiecti essent, vide Cyprianum ep. 9. quæ inscribitur martyribus & confessoribus. & 10. Honorem martyrum, & confessorum pudorem turbare conatur. & infra: *Hi sublati honore, quem nobis beati martyres cum confessoribus seruant, contempta Dei lege, quam idem martyres & confessores tuendam mandant, &c.* Idem aperiè colligitur ex epistola 15. 30-37. 8. & aliis. Tertullianus scriptus librum ad martyres, quos etiam vocat designatos martyres. & paulò post martyres, cùm ait: *Quam pacem quidam in Ecclesia non habentes, à martyribus in carcere exorare consuerunt.* & lib. aduersus Præcam, dicit Præcam de iactatione martyri, suis inflatum, ob breue carceris tedium. Interdum iidem vocantur etiam confessores, vt patet ex epistola 17. quæ est Luciani, & 18. Cyprian. &c. nam martyrium etiam est confessio, quia tamen

N n n 2 est

est eximia & qualificata, ordinariè distinguitur à nuda confessione.

Ex his pater, martyrum omnino perfectum requirere mortem, reliqua non. Postiore tamen æuo non vocant martyres, nisi qui mortem per tormenta vel afflictiones pro Christo infictas obierunt.

24 Secundo, Requiritur mortis acceptatio ob causam honestam & piam. De acceptatione probatur,

2. Acceptatio. quia sicut adultus non potest absque suo consensu contaminari peccato, ita neque consequi iustitiam. Vnde nec Baptismus quidem adulto prodest, nisi in illum consentiat, eumque acceptet, non tamen est necessarius consensus presens, sufficit precessisse, nec esse reuocatum mutatione propositum.

**Occisus pro
Christo in
somnia.**

**Quid si
ante nihil
de martyrio
cogitau-
eris.**

25 Dices, Datur Eucharistia & Extrema vñctio in periculo mortis ei qui repente priuat est vñ rationis, etiamsi ante hæc non petierit; & hæc Sacramenta in illo vim habent, quia illæ bona vita sua & modo viuendi Christianæ, censetur petiisse: ergo similiter martyrium vim habebit si homo iustus in somnis interficiatur: nam hoc ipso quod iustè vixit, videtur satis acceptasse mortem pro Christo sustinendam, si articulus necessitatis virgeret. Hæc ratio facit hanc sententiam non improbabilem, eamque insinuat Caietanus 3. p. quæst. 87. art. 1. & tenent aliqui recentiores. Contraria tamen videtur

Respon. posterior, ob rationem allatam. Vnde Respondeo, Esté magnum discrimen: nam illa Sacraenta sunt remedia salutis ordinaria, quæ omnes Christiani in extremis petere solent, si ratione vntantur; & antequam incident in morbum, habent propositum illis utrè in eo articulo: quod propositum manet etiam dum ratione non vniuntur; quia numquam fui reuocatum. Ipsò etiam vñ Sacramentorum per vitam, satis declarant, quid sibi fieri velint in morte. At perpeſio mortis pro fide non est remedium ordinarium, nec omnes ita sunt comparati ut id desiderent: neque ipso modo vniendi satis declarant se id cupere. Deinde etiamsi quis sapè optaret mori pro Christo extra periculum positus, hoc tamen non sufficeret: tum quia qui extra periculum id optant, sapè in mediis periculis animum mutant: tum quia de hac morte, quæ ei inopinatè infertur in somnis, nihil cogitauit, nec eam acceptauit. hæc enim acceptatio in eo consistit, quod quis proposita morte & fidei negatione, vel alia impietate, eligit mortem tamquam minus malum: hoc autem ille non fecit, cum id ei propositum non fuerit.

26 Debet etiam hæc acceptatio fieri ob causam honestam, alioquin ipsa perpeſio mortis non erit opus virtutis, nec grata Deo. vt si quis statueret mortem pro fide subire ad vanam gloriam, v.g. ad famam patientiae aut sanctitatis, vel ad nobili-

tandam familiam. Et quamvis per se non sit peccatum mortale, huiusmodi finem intendere in moribus discriminare subeundo, si alia causa sit iusta; (quia quando opus per se licitum est, non est peccatum mortale, si quis ad illud ob finem indifferentem aut venialem se applicet, & per illud huiusmodi finem querat; vt patet in milite bello iusto operam dante) tamen in propofito vix sine peccato mortali fieri potest: nam in huiusmodi negotio tenetur se ad Deum conuertere, & robur ab eo flagitare, vt subiectum agonem decorè decerter. quod quomodo faciet, nisi opus illud tamquam Deo gratum praestare velit. Deinde in huiusmodi negotio occurruunt homini multæ rationes ob quas mors fit acceptanda; vt præceptum diuinum, præmium vite aeternæ, uitatio damnationis, exemplum Christi & Sanctorum, dignitas religionis Christianæ, & similia: atqui moraliter fieri vix potest, vt quis omnibus illis prætermis, sola vana gloria mouetur in illo necessitatis articulo; nisi illas causas contemnat, & hanc vnam tanti faciat, vt ob eam paratus fit mori, quamus alia causa non subesset. loquor enim in eo clementi, in quo vana gloria vel similiis finis est integrum mortuum hominis.

Denique debet esse causa pia, id est, quæ cum 27 vera religione & fide coniuncta sit, verbi gratia, vt placet Deo, ne Deum offendat, ne à Christi doctrina recedat, ne à vita aeterna excidat, &c. vnde de 1. Petri 4. dicitur: Si exprobramini in nomine Christi, beatus eritis; quoniam quod est honoris, glorie, & virtutis Dei, & qui est eius spiritus, super vos requiescit. nemo autem vestrum patiatur ut homicida, aut fur, aut maledicus, aut alienorum appetitor: si autem ut Christianus, non erubescat: glorificet autem Deum in isto nomine. quibus verbis latius explicatur, causam patiënti debere esse piam. ratio est, quia alioquin non erit martyr Christi, sed saeculi vel Philosophus: martyr enim Christi dicitur, qui dat testimonium doctrinæ Christi; quæ doctrina omnia quæ ad piè viendum pertinent complextit. Itaque si quis pro aliqua assertione philosophica mortem iustineat, non erit verè martyr, quia Christus eam non tradidit. Secùs si pro vitando in ea re mendacio, quatenus id est contra doctrinam Christi, qui docuit omne mendacium esse vitandum; vel quatenus id displaceat Deo. Simili modo si quis patetur pro aliquo virtute absque ullo respectu ad Christum vel Deum, non erit martyr Christi; quia non patetur ut Christianus, ut cultori Dei, sed ut Philosophus, more Stoico: vt si quis nollet mentiri, vel peierrare, quia id dedecet Philosophum, se fato rem Episteti aut Zenonis: secus hū quia indecens Christiano seu cultori Christi. Idein dicendum de ceteris virtutibus, vbi

Aduerterendum est, hoc ipso quo quis patitur 28 pro opere virtutis, cum respectu ad Christum vel Omnia religionem Christianam, pati etiam pro veritate causam honestam, alioquin ipsa perpeſio mortis non erit opus virtutis, nec grata Deo. vt si quis statueret mortem pro fide subire ad vanam gloriam, v.g. ad famam patientiae aut sanctitatis, vel in opere sicut fidei.

Dices, Quid si mors inferatur propter opus bonum iam factum, sicut sancto Iohanni Baptista accidit?

Respon-

29
Martyriū
pro opere
transfacto.

Respondeo, Tunc eam ita acceptari debere, vt malis eam subire, quā in factum tuum improbare. improbare enim opus bonum, est contra doctrinam fidei, quā haberet. Tale opus esse laudabile & Deo gratum: vnde nolendo improbare, pro fide patris, eique testimonium tua morte præbes. Nec est contra rationem martyrij, etiam si doles te id fecisse, (si ex precepto non tenebaris) ob incommoda, quā idcirco perseris, (quamvis id gloriam operis non nihil obsecrare) modò in eo perstes, esse opus bonum; & malis mortem oppettere, quā in negare: quia in hoc testimonium veritatis situm est.

30
Acceptatio
debet esse
à Spiritu
sancto.

Petes Primò, Vtrum actus acceptandi debeat esse supernaturale?

Repondeo, Haud dubie debere esse aliquo modo supernaturale, seu ex motione Spiritus sancti, quia solis naturæ viribus non potest quis subire martyrium sicut oportet ad salutem; sicut nec alia pietatis opera facere: estque in martyrio peculiaris ratio ob hummannam difficultatem; & quia fidei Christianæ professionem continet, quam nemo sine auxilio Dei profiteri potest; vt ex Scripturis constat: *Corde enim creditur ad insitiam, ore autem confessio fit ad salutem.* actus autem quo quis salutem confequitur, fine gratia fieri nequit.

31
An ex di-
lectione Dei
supra om-
nia.

Petes Secundò, Vtrum hæc acceptatio beatum procedere ex dilectione Dei super omnia? Ita videtur sentire Caietan. art. 2. vbi contra Martinum conatur ostendere, martyrium ex genere suo esse actum charitatis imperati. ratio ipsius est, *Quia, inquit, qui ponit vitam pro Christo, ipso facto preparavit Christum vitæ sua, ac per hoc omnibus bonis vita minoribus; & consequenter omnibus bonis exterioribus, opibus, honoribus, gloria, fama.*

Id non esse
necessariū.

Sed contrarium est verius. Primo, Quia multæ sunt aliae causa pia, ob quas mors illa acceptari potest; vt præceptum diuinum, dignitas fidei, exemplum Christi, ædificatio proximi, promissio vitæ aeternæ, cõminatio damnationis: multi enim Martyres elegerunt mortem pro fide Christi, ne vita aeterna exciderent, & aeternam mortem proximamente incurrenter; vt ex gestis Martyrum constat. Sic Eleazar lib. 2. Machab. cap. 6. *Etsi in praesenti tempore suppliciis hominum eripiar, sed manum Omnipotens nec viuius, nec defunctus effugiam.* Et hæc est præcipua ratio, quia Dominus ipse nobis ob oculos ponit, cum dicit Marci 8. *Qui voluerit animam suam salvam facere, perdet eam; & qui perdeserit animam suam propter me & euangelium, salvam faciet eam.* quibus verbis efficacissime nos deterret, ne in tormentis, vita saluanda causa, fidem negemus, proposito aeterno exitio; & animat ad conitanter vitam temporalem profundam, proposito vita aeterna præmio. Igitur qui hæc sibi in martyrio proponit, & ex his te firmat in confessione contra tormenta, facit ex mente Christi. Idem patet ex multis aliis Scripturæ locis, quibus excitamus ad patientiam in tribulationibus, per remunerationem; Lucas 21. ad Hebreos 10. Iacobi 5 &c.

Secundò, Quia quando aliquid per se pium & religiosum est, nulla est necessitas ut id ex affectu charitatis fiat; (vt patet in actu fidei, spei, religiosi) quia satis per se placet Deo: atque eligere mortem pro fide Christi, est per se pium; est enim opus fidei & fortitudinis Christianæ: ergo.

Tertiò, Matth. 10. Dominus ait: *Omnis qui con-*

suebitur me coram hominibus, confitebor & ego cum coram Patre meo, vbi non requirit ut hæc confessio procedat ex dilectione Dei super omnia.

Fatetur tamen, ordinariè hanc acceptionem etiam ex charitate procedere; quia fit affectu placiendi Deo, eique gratum obsequium exhibendi: ³² Ordinariè tamen pro qui affectus est charitatis: quo modo intellige dicit ex affectu charitatis ut imperantis: imperari enim à charitate, nihil est aliud, quām procedere ex affectu charitatis.

Hic tamen affectus non est idcirco dilectio Dei ^{n.n. semper} super omnia, quia non omnis affectus charitatis ^{est dilectio} in Deum est dilectio super omnia: hæc enim includit propositum seruandi omnia mandata propter Deum, quod propositum non includitur in simplici affectu illi placendi per martyrium. aliud enim est velle placere Deo in illo opere, aliud velle placere in omnibus præceptis obseruandis. Unde etiam velle ponere vitam pro fide Christi, non est dilectio Christi super omnia, vt vult Caieta ^{Velle pone-} ^{re vitam} nus. Primò, Nam ex vi huius solius voluntatis ^{pro Christi} non est paratus seruare omnia præcepta: multi ^{sto, non est} enim mali menti mori, quām fidem Christi negare; ^{dilectio} non tamē idcirco deserunt fornicationem, ebrietatem, & similia peccata, qua ipsi minoris ^{alii} ^{pra omnia.}

mant, quām Christi negationem: quod signum est, illam voluntatem non includere propositum seruandi omnia mandata; ac proinde non est dilectionem Dei super omnia. Confirmatur, quia qui horret maiora peccata, non statim hoc ipso etiam horret minoria: & qui ita detestatur abnegationem Christi vt præoptet mortem, simul potest habere propositum fornicandi. Secundò, Si iste actus esset dilectio Dei super omnia, statim per eum homo consequeretur remissionem peccatorum, nec opus ei esset contritione: quia dilectio illa iustificat hominem, conformans eum perfectè legi diuinæ, & delet omnia peccata mortifera: atque non est probabile, eo ipso peccatum iustificari, quo statuit secum potius mortem subire, quām fidem negare: quia cum illo proposito potest consistere voluntas minoris peccati: ergo hoc propositum non est dilectio Dei super omnia. Tertiò, Este paratum mori pro aliquo, non est illum diligere supra omnia; tum quia vita corporalis non est maximum hominis bonum, (multi enim pluris faciunt honorem, famam, poteritatis splendorem;) tum quia qui pro amico vitam ponit, non diligit eum supra omnia: non enim habet illum pro ultimo fine suo.

Dices, Qui paratus est vitam fundere pro Christo, paratus etiam est cetera omnia, etiam ^{Obiectio.} voluptates suas, quibus fruitur in vita, propter ipsum deferere, atque adeò re ipsa deserit illas, mortem acceptando: ergo acceptatio illa est dilectio Christi supra omnia.

Respondeo, Inde vt sumnum sequi, illum male omnia deserere quām Christum negare; non autem velle absolute omnia deserere vt Christo placeat: vnde non est dilectio super omnia. cuius signum est, quod possit quis velle mori, ne fidem datum amico violer: hic tamen non ideo diligit amicum super omnia. Simili modo possum affici in Christum ablique dilectione super omnia. Nec obstat illud Domini, Ioan. 15. *Maiorem hac dilectionem nemo habet, ut animam suam ponat quis pro amicis suis.* quia hoc est intelligendum, quando

Nnn 3 absque

*Maxima
charitas in
proximum.*

absque intuitu proprii commodi, sola dilectio amicorum; ut eum a malis liberes, vel bonis cumque, te ad ponendam animam impellit: tunc enim ponere animam pro amicis, est signum maxime dilectionis, non simpliciter, (non enim ideo diligit amicum super omnia) sed quae honeste ipsi impendi possit, quod si proprium commodum ad hoc incitet, ne talis quidem maximae dilectionis signum erit.

*35
Est maxi-
mū signum
dilectionis.*

Hinc patet, ponere animam pro Christo, non esse per se infallibile signum dilectionis Christi super omnia: quamquam fatendum sit, inter signa dilectionis diuinæ, quæ homines exteriori dare possunt, martyrum esse vel maximum, quia etsi per se illa mortis acceptatio non sit dilectio super omnia, hæc tamen illi ordinariè est coniuncta; tum quia Deus singulari modo hominem in illo articulo constitutum ad eam excitat, tum etiam quia homo se quantum potest disponit, & omnium virtutum præsidia ad illum agonem accersit.

Similiter non obstat illud, Apostoli 1. ad Corinth. 13. Si tradidero corpus meum ita ut ardeam, charitatem autem non habuero, nihil mihi prodest, quia solum vult docere, cetera omnia nihil prodest, nisi charitas adsit in eodem homine; non autem omnia ex charitate debetur procedere. Itaque hinc solum colligitur, martyrum non prodest, nisi saltem circa finem, dum adhuc durat, charitas adsit. Simili modo dicere potuisset, Baptismum sine charitate non prodest.

*36
Debet cha-
ritas adesse
salem in
fine.*

Tertiò, Requiritur ut non resistat tyranno, hinc milites, quanvis pro fide pugneant, & multum mereantur, si pura intentione id faciant, non tamen sunt martyres, cum in bello occumbunt; nec Ecclesia umquam tales pro martyribus coluit. ratio est, quia martyris Christi debet in patiente imitari Christum, cuius passio est exemplar martyrij. Unde sicut ille dedit testimonium veritati patiente, non repugnando, (cum enim pataretur, non comminabatur, sed tamquam onus coram tendente, sine voce) ita omnes, qui volunt esse martyres Christi, non debent persecutori armis repugnare, sed sine re se tranquillè occidi. Confirmatur, quia qui pugnans moritur, non eligit pro fide mortem perpetui, sed inferre; unde reuerter non acceptat mortem, nisi indirectè, quatenus se periculo exponit. Deinde moriendo non dat testimonium veritatis fidei; quia non videtur mori ut Christianus, sed ut miles vietus ab hoste: nec mortem eligit voluntariè, sed patitur necessitate, eò quod non potuit illam hosti inferre. erit tamen martyr, si iam vietus, odio religionis occidatur, & ille ob eam causam mortem acceptet.

*37
4.Vt fide
teneat ve-
ritatem.*

Quarto, Requiritur ut fide supernaturali veritatem illam credat, pro qua potissimum tuenda mortem eligit. Primo, Quia si proprio iudicio illum teneat, sicut hereticus, non tam tueretur doctrinam & auctoritatem Christi, quam suam, non enim quia Christus ita docuit, sic sentit; sed quia ipsi ratione aliqua infirma ita videtur. Confirmatur, Quia eadem ratione, qua illam veritatem credit, etiam suas heres credit, & pro illis preparatus est mori: quod est signum, illum reuerter non morieretur auctoritate Christi, aut alia pia ratione ad ita firmiter credendum, & mortem pro sua fide acceptandam sufficiens, licet exteriori ita videatur.

Obiectio.

Dices, Fieri potest ut patiarur mortem pro aliqua veritate fidei, quam ratione naturali non esse veram; pro confessione unius Dei, vel

detestatione idolorum, &c. quæ notitia & sufficientia est ad firmiter credendum, & ad mortem subeundam.

Respond. Etsi hæc notitia sit sufficientia, tamen *Respon.* non ideo propriè erit martyr Christi, quia non credit propter auctoritatem Christi, vel Dei; sed propter tei perspicuitatem.

Secundo Probatur, quia Patres docent, hæreticos, etiam si pro nomine Christi morte subeant, *Hæretici non sunt vero Christi martyres; & extra Ecclesiastiam martyrium nihil prodest: idque tum quia Christo per veram fidem non sunt coniuncti; tum quia charitate (quæ sine vera fide esse non potest, & sine qua mox pro Christo, iuxta Apostolum, nihil prodest) sunt destituti. Cyprianus epist. 73. ad Iubaianum: Numquid potest vis Baptismi esse maior aut potior quam confessio? quam passio? ut quis coram hominibus Christum confessatur, & sanguine suo baptizetur? & tamen neque hoc Baptismus haereticus prodest, quanvis Christum confessus, & extra Ecclesiam fuerint occisi; nisi si hereticorum parvorum & adiutorum haereticos in falsa confessione Christi interfecerint, martyres predicatorum, &c. vocat falsam confessionem, quia non procedit ex vera fide, sed simulata & falsa. Idem docet epist. 52. ad Antonianum, & alibi sapè. Idem tradunt D. Augustinus epist. 61. & 167. lib. 3. contra Crescon. Grammat. cap. 47. lib. 4. contra Donatistas cap. 17. Hieron. in cap. 1. ad Galatas, Chrysostomus Oratione prima contra Iudeos.*

Quinto, Requiritur status gratiae, vel saltem legitimata ad gratiam dispositio; nam ut ex Apostolo 1. Cor. 13. & Patribus citatis constat, martyrium sine charitate nihil prodest. Nec refert quod ab aliis que statu gratiae possit esse actus martyrii, si solam operis substantiam spectes; quia cum hic nihil proficit, nec Christus tales pro suis agnoscat, merito non habentur pro veris martyribus.

Sed difficultas est, quenam sit illa dispositio; De qua sit

D V B I T A T I O I V .

Quenam dispositio in peccatore sit necessaria, ut martyrum ei profit ad salutem.

Sunt tres sententiae. Prima est, Necessariam esse veram contritionem, ex dilectione Dei super omnia profectam. Ratio est, quia putant Auctores huius sententiae, martyrium non conferre gratiam per se & via sua, sed solum ex opere & affectu patientis, quare sicut peccator extra martyrium non potest iustificari sine vera contritione, (nisi Sacramentum penitentiale supplet) ita nec in martyrio. Ita sentit Paludanus in 4. d. 4. qu. 3. art. 1. vbi dicit: *Ad Baptismum sanguinis non sufficit attritio, sed requiriatur contritus. Ad Baptismum aquæ sufficit attritio. & causa est, quia ille iustificatur ex opere operato, iste ex opere operante.*

Nec obstat quod paulo post dicat, *martyrium equipollere Baptismo aqua in duobus effectibus priuatius, qui sunt amotio omnis culpe, & remissio omnis peccati. quia tribuit illi hos effectus ratione charitatis ex qua procedit. Bonaventura eadem dist. p. 2. quæst. 2. Baptismus sanguinis solum à veniali liberat, à mortalib[us] non; quia precepit charitatem; alter nihil valeret ad salutem. & infra: Gratiam non tribuit, sed consummat. Alex. Halensis 4. p. qu. 22. memb.*